



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Collatio Tertia.

urn:nbn:de:hbz:466:1-15324

30 VIGILIVS C. CONSTANTINOP. II. IUSTINIANVS
PAPA. IMP.

præsto est huic sancto Concilio, & eius vices agit: & haec quidem sic ordinentur. Incongruum autem sacerdotibus esse putantes protrahere dandum a nobis responsum Christianissimo imperatori, apostolo maxime Petro dicente: *Oportet nos paratos esse ad satisfactionem omni poscenti nos rationem de nostra salute*; Deo iuuante, futuro die conuenientes, quæ oportet agemus.

1. Petr. 3.

ANNO
CHRISTI
533.

COLLATIO TERTIA.

IMPERII domini Iustiniani perpetui Augusti anno XXVII. post consulatum Basili viri clarissimi anno XII. die VII. Idus Maias, indictione I. confidentibus in secretario venerabilibus episcopis huius regiæ ciuitatis,

Eutychio sanctissimo patriarcha regiæ Constantinopolis nouæ Romæ,

Apollinario sanctissimo archiepiscopo Alexandrinæ magnæ ciuitatis,

* Domino sanctissimo patriarcha * Theopolitanæ magnæ ciuitatis,

* Dom-
no
* Antio-
chenez

Stephano religiosissimo episcopo Raphia,

Georgio religiosissimo episcopo Tiberiadis, & ceteris ut supra Collatione I.

Diodorus archidiaconus & primicerius reuerendissimorum notariorum dixit: Hesterno die Conuentione facta, interlocuta est vestra sanctitas, ut hodierno die sancta vestra Synodus colligatur, & suggerimus ad quod placuerit. Sancta Synodus dixit: Ordinis gratia omnia quæ gesta sunt recitentur. Quo facto, sancta Synodus dixit: Omnibus proponentes, & sacerdotibus conuenire putantes initium facere gestorum, quæ apud nos habentur, de tribus capitulis, de quibus in scriptis interrogatis sumus a piissimo & tranquillissimo imperatore, & manifestum omnibus facere de fide recta, & sanctis patribus & doctribus, qui per diuersa tempora in sancta Dei ecclesia splenduerunt: Confitemur fidem tenere & prædicare ab initio donatam a magno Deo & saluatore nostro Iesu Christo sanctis apostolis, & ab illis in vniuerso mundo prædicatam, quam & sancti patres confessi sunt, & explanauerunt, & sanctis ecclesiis tradiderunt, & maxime qui in sanctis quatuor Synodis conuenerunt; quos per omnia & in omnibus * sequuntur, & suscipimus cum aliis san-

* for. se-
quimur.

ANNO CHRISTI 535. Atis patribus: & sanctas quatuor Synodos, id est, trecenos decem & octo sanctos patres Nicæa congregatos, & centum quinquaginta qui Constantinopoli conuenerunt, & Ephesi prima ducentos, & Calchedone sexcentos triginta: & omnia quæ a prædictis sanctis quatuor Conciliis pro vna eademque fide definita sunt, suscipimus: & omnes condemnatos a prædictis sanctis quatuor Conciliis, tamquam condemnatos & anathematizatos habemus yna cum aliis hæreticis. His ita se habentibus, certum facimus, quod omnia quæ a prædictis sanctis quatuor Conciliis, sicut prædictum est, pro recta fide definita sunt, & de statu ecclesiastico regulariter disposita, & seruauimus, & seruamus. Licet enim per diuersa tempora contra exortos hæreticos prædictæ sanctæ quatuor Synodi factæ sint, tamen vnam eamdemque confessionem rectæ fidei seruauerunt & prædicauerunt, & ideo omnia quidem consonantia his quæ a memoratis sanctis quatuor Conciliis pro recta fide definita sunt, suscipimus; omnia vero quæ non consonant his quæ definita sunt ab iisdem quatuor sanctis Conciliis pro recta fide, vel ad iniuriam, vel ad contrarietatem earumdem quatuor Synodorum, vel vnius ex his, & ad defensionem hæreticorum & eorum impietatis scripta sunt, aliena pietatis iudicantes, condemnamus & anathematizamus. Super hæc sequimur per omnia & sanctos patres & doctores ecclesiæ, Athanasium, Hilarium, Basilium, Gregorium theologum, & Gregorium Nyssenum, Ambrosium, Augustinum, Theophilum, Ioannem Constantinopolitanum, Cyrillum, Leonem, Proculum; & suscipimus omnia quæ de recta fide & condemnatione hæreticorum expuserunt. Suscipimus autem & alios sanctos & orthodoxos patres, qui in sancta Dei ecclesia rectam fidem irreprehensibiliter usque ad finem suæ vitæ prædicauerunt. Hac igitur recta confessione in sancta Dei catholica & apostolica ecclesia seruanda & prædicanda, si quis semetipsum ab eius communione separet, contraria ei sapiens, talis semetipsum alienans rectæ fidei, & hæreticis connumerans, iuste a sancta Dei ecclesia condemnatur & anathematizatur. De disceptatione autem trium capitulorum, hoc est, de Theodoro Mopsuesteno & scriptis eius, & de epi-

stola quæ dicitur Ibæ ad Marin Persam scripta, & de conscriptis Theodoreti, quæ contra rectam fidem & sanctæ memoriae Cyrillum, & contra duodecim eius capitula exposita sunt, pro quibus & interrogauit nos piissimus & tranquillissimus imperator, quoniam speciali indigent Conuentu, alio die, Deo adiuuante, conueniamus.

COLLATI O QVARTA.

IMPERII domini Iustiniani perpetui Augusti anno
XXVII. post consulatum Basili viri clarissimi anno XII.
die IV. Idus Maias, indictione I. confidentibus in se-
cretario venerabilibus episcopis huius regiæ ciuitatis,

Eutychio sanctissimo patriarcha regiæ Constantinopolis nouæ
Romæ,

Apollinario sanctissimo archiepiscopo Alexandrinæ magnæ ciu-
tatis,

Dominno sanctissimo patriarcha Theopolitanæ magnæ ciuitatis,
Stephano religiosissimo episcopo Raphiæ,
Georgio religiosissimo episcopo Tiberiadis, &ceteris ut supra
Collatione I.

Diodorus archidiaconus & primicerius reuerendissi-
morum notariorum dixit: Anteriore die cum conuenis-
set vestrum sanctum Concilium, & quædā lecta fuissent,
interlocuti estis ut alio die de exortis tribus capitulis quæ-
stio procedat. Nunc igitur collecta vestra sancta Synodo,
suggerimus ad quod placuerit. Sancta Synodus dixit: Quæ
iam gesta sunt, recitentur. Quo facto, sancta Synodus di-
xit: Ad longum tempus extensis quæ de Theodoro mo-
uentur qui Mopsuestenæ sanctæ ecclesiæ fuit episcopus,
& epistola quæ dicitur Ibæ, nec non Theodoreti conscrip-
tis, neminem quidem omnium latuit quæ ipse Theodo-
rus in diuersis codicibus exposuit, & quæ ad aliorum duo-
rum capitulorum examinationem pertinent. Necessario
autem constituto quæstionem de his communiter proce-
dere, notarii nostri prima vice scripta ex Theodori codici-
bus in medio proferant, quorum gratia & a sanctis patri-
bus scimus eum accusatum esse. Notarii dixerunt: Habe-
mus præ manibus scripta quæ ex Theodori codicibus col-
legistis. Sancta Synodus dixit: Legantur. Et cum accepis-
set Callonymus diaconus & notarius, recitauit.

THEO-